



1. Tschanteda da la suprastanza cumünela in marculli, ils , 16.01.2019 a las 19.30 in chesa cumünela S-chanf

Presidi: Gian Fadri Largiadèr

Preschaints: Paolo Bernasconi, Liun Quadri, Roman Parli, Mario Mammoliti

Suppleant: Linard Luzi

Absaints:

Actuar: Gian Luca Vitalini

Tractandas:

- | | | |
|-----|-------|--|
| 1. | | Protocol |
| 2. | 0.211 | Dumandas da fabrica |
| 3. | 2.100 | Surdeda lavuors IT scoula |
| 4. | 7.000 | Surdeda lavuors infrastruttura provedimaint d'ova |
| 5. | 7.910 | Surdeda da lavuors FTTH – realisaziun |
| 6. | 0.122 | Cumischiun OE S-chanf regalamaint / proposta tschernas a maun da la radunanza cumünela |
| 7. | 1.400 | Pumpiers Plaiv dumandas da multas 2018 |
| 8. | 6.240 | Imsüraziun dal stedi actuel da l'ingluminzaiun publica |
| 9. | 0.209 | Desditta parkegi staziun Cinuos-chel |
| 10. | 3.400 | Concept da parker maraton da skis engiadinais |
| 11. | 0.110 | Revaisa da ledschas |
| 12. | 3.000 | Dumandas da contribuziun |
| 13. | 9.999 | Varia |

La glista da tractandas vain approveda sainza objecziuns.

Protocol: Il protocol da la tschanteda dals 19 december 2018 vain approvu unanimamaing.

1 0.211 Dumanda da fabrica

Müdamaint dal proget construcziun tet nouv magazin forestel

La suprastanza cumünela piglia cugnuschnetscha dal müdamaint dal proget e incumbenzescha il depüto da piglier sü contact cul arichtect per discuter il müdamaint. La

suprastanza cumünela giavüscha üna pusiziun da l'architect e sposta quista tractanda sün üna da las prosmas tschantedas.

**2 2.100 Scoula primara
Surdeda lavuors IT scoula**

La mnedra da scoula fo la dumanda per cumprer ses nouvs Dell Convertibles per la scoula primara da S-chanf. Cull'introducziun dal Plaun d'instrucziun 21 s'ho l'infrastructura digitela instituzionaliseda illas scoulas publicas dal Grischun. Ad es previs, cha la scoula hegia la pussibiledad da pudair lavurer cun mezs digitels adattos, na be illas lecziuns d'informatica, uschè cha'd es important d'avair avuonda laptops/computers chi staun a disposiziun a tuot las classas. Culs trais Convertibles ch'els haun già pusto, haun els fat intaunt fich bunas experienzas. Ils cuosts tenor l'offerta da la firma Infomatica AG s'amuntan sün fr. 11'573.45 incl. isp. Impü es avaunt maun ün'offerta per och nouvas plattas fixas per ils computers vegls. Quel'investiziun as rendess, causa cha'ls computers nu sun auncha uschè vegls ma fich plauns. Cun quel'investiziun as pudess amgelderer quels darcho sül stedi il pü nouv. Il cuosts per las plattas fixas s'amuntan a se tenor offerta sün fr. 1'121.20 incl. isp.

La suprastanza cumünela decida unanimamaing d'aderir la cumpra dals laptops e da las plattas fixas pels comupters illa chesa da scoula per totel fr. 12'694.65 incl. isp.

**3 7.000 Provedimaint d'ova
Surdeda lavuors infrastruttura provedimaint d'ova**

La finischiun dal QS da l'ova es daspö l'an 2013 na glivro. Il büro d'inschenger Gini ho elavuro la prüma part dal QS da l'ova. Ulteriuras dumandas d'offertas nu faun bsögn. Il böt es da piglier sù il stedi actual da l'infrastructura dal provedimaint d'ova, ün'analisa da variantas pel reservuar Bügls e da glivrer il QS da l'ova. Las seguintas lavuors sun auncha da glivrer :

- Las lavuors già cumanzedas dal QS da l'ova
- Documenter l'infrastructura acutela (cun lavuors da mantegnimaint 2014 – 2018)
- Analisa da variantas per la sanaziun dal reservuar Bügls
- Stima da cuosts pel provediamaint d'ova pels indrizs dal militer

Ils cuosts i'l preventiv dal büro d'indschenger Gini s'amuntan sün fr. 9'754.70 incl. isp.

La suprastanza cumünela decida unanimamaing da surder la lavur il büro d'indschegner Gini.

Liun Quadri s'ho absanto per quista tractanda.

**4 7.910 Planisaziun regiunela
Surdeda da lavuors FTTH – realisaziun**

La suprastanza cumünela ho piglio cugnuschentscha da las offertas da la firma Cablex, discutta quellas però auncha in üna tschaneda culla firma Cablex.

5 0.122 Cumischiuns
Cumischiun OE S-chanf regalament / proposta tschernas a maun
da la radunanza cumünela

Per cha'ls commembers da la cumischiun da las OE S-chanf paun gnir tschernieus e paun piglier sü lur lavuors, es que necessari da lascher deliberer il regalament da la radunanza cumünela ils 20 favrer 2019.

La suprastanza cumünela decida unanimamaing d'accepter il regalament e da lascher tradür quist regalament in lingua rumauntscha.

Per cha la cumischiun da las OE S-chanf paun cumazer cullas lavuors, es que necessari, cha duos commembers vegnan tschernieus a la radunanza cumünela ils 20 favrer 2019. Inoltredas sun duos annunzchas. Ün'annunzcha es da sar Curdin Barblan da S-chanf, chi ho grand'esperienza il champ da la forz'electric. L'otra annunzcha es da sar Giacum Krüger da Malögia, chi ho eir fich grand'esperienza il champ da forz'electric.

La suprastanza cumünela decida unanimamaing da propuner la tscherna dals duos candidats a la radunanza cumünela ils 20 favrer 2019.

6 1.400 Pumpiers
Pumpiers Plaiv dumandas da multas 2018

Il cumandant da pumpiers ho fat üna glista da multas per l'an 2018. La suprastanza cumünela ho da fer bun las propostas da multas dal cumandant da pumpiers.

La suprastanza cumünela decida unanimamaing da sustegner las propostas dal cumandant e da multer ils cuolpabels tenor il regalament correspondent.

7 6.240 Iglüminaziun publica
Imsüraziun dal stedi actuel da l'ingluminaziun publica

Tenor ordinaziun giuridica sun da fer periodicamaing imsüraziuns dal stedi actuel da l'ingluminaziun publica. La firma Repower ho suottamissa l'an passo ün'offerta correspondent a la vschinauncha da S-chanf. In seguit s'ho piglio sü l'import da fr. 13'000.00 i'l preventiv da l'an 2019.

La suprastanza cumünela decida unanimamaing da lascher fer las lavuors offridas da la firma Repower per maximelmaing fr. 13'000.00.

8 0.209 Contrats e cunvegnas
Desditta parkegi staziun Cinuos-chel

Il depüto Roman Parli ho sclarieu la situaziun dal parkegi tar la staziun Cinuos-chel. Our da divers motivs da manetgnimaint e la rumida da naiv, chi's pudess spargner, es la proposta dal depüto da desdir il parkegi tar la staziun da Cinuos-chel.

La suprastanza cumünela decida unanimamaing da desdir il contrat dal parkegi da la staziun Cinuos-chel sül prossem termin pussibel (31 lügl 2019).

9 3.400 Sport
Concept da parker maraton da skis engiadinais

L'areal da la deponia es gnieu druvo i'l passo scu parkegi pel maraton da skis engiadinais. Tres il fabricat da la halla e cun implir la deponia i'ls ans passos, s'ho limito la piazza intuorn la resgia per la mited (ca. 250 plazzas). Per pudair spordscher avuonda parkegis, prevezza il comitè d'organisaziun seguaint concept da parker :

- Spüerta da parkegis intuorn la nouv'ARA (ca. 50 autos)
- Spüerta da parkegis sùlla deponia/resgia (ca. 250 autos)
- Spüerta da parkegis dasper il depo da naiv Briatscha (ca. 120 autos)
- Spüerta da parkegis sùlla Via Punt da Crap vers Prasüras (ca. 80 autos in colonna)
- Scu reserva vain fat üna colonna d'autos sùlla veglia via da chantun S-chanf – Zuoz (be scha l'ora fa gnir na ütilisabels ils ulteriurs parkegis)

La suprastanza cumünela decida unanimamaing d'appruver la proposta suottamissa dal comitè dal maraton da skis engiadinais.

10 0.110 Legislativa
Revaisa da ledschas

La cumischiun « revaisa tschantamaints, ledschas ed uordens » da la vschinauncha da S-chanf ho elavuro / surelavuro las duos ledschas manzunedas e suottametta quellas a la radunanza cumünela. Las seguaintas ledschas vegnan suottamissas:

- LEDSCHA DAVART IL PROVEDIMAINTE D'OVA E' L TRATTAMAINTE DA L'OVA PERSA (Ledscha ova ed ova persa)

La suprastanza cumünela decida unanimamaing da sustgnair la revaisa da la ledscha e da suottametter quista ledscha ad üna prosma radunanza cumünela.

- LEDSCHA DAVART IL TEGNER CHAUNS ILLA VSCHINAUNCHA DA S-CHANF (Ledscha da chauns)

La suprastanza cumünela decida cun quatter cunter üna vusch da sustgnair la proposta da la ledscha. Quista ledscha vain suottamissa a la prosma radunanza cumünela ils 20 favrer 2019.

11 3.000 Cultura
Dumandas da contribuziun

La suprastanza cumünela aderischa seguaintas dumandas da contribuziun :

- Sinfonia Engiadina 2019 (Conzert a Zuoz) cun fr. 2'000.00
- Nationalpark Bike-Marathon (Sustegn finanziel e premis Pass Chaschauna) cun fr. 7'000.00 impü il sustegn da la gruppa da lavur.
- Mantegniment da la sendas tres la societad da las guidas da muntagna sur fr. 350.40.

12 9.999 Varia

La suprastanza cumünela piglia cugnuschentscha :

Iniziativa regard la via da Griatschouls per pudair fer in avegnir üna pista per schlisuler ed ir a spass düraunt l'inviern. Impü d'avair la pussibilitad da gestir üna pitschna ustaria e da pudair transporter sü schlittas cul Quad.

Preannunzcha regard la 64evla radunanza generela da las OEE ils 22 favrer 2019 ad Ardez.

Charta Repower regard la calculaziun da l'energia gratuita da la vschinauncha da S-chanf.

Invid per la radunanza generela da l'institut Otalpin a Ftan.

Decsiun da la regenza in connex cun ün plaunt regard la planisaziun dal territori da S-chanf da l'an 2013 (plazza da volver a Cinuos-chel).

Charta da l'uffizi per chatscha e pes-cha regard las zonas da quietezza e regard la tematica da la granda naiv, chi ho do i'ls ultims dis.

Charta a l'uffizi da economia e turissem regard contribuziun senda Pass Chaschauna.

Il president spiega la situaziun da lavur momentana dal chanzlist. Gian Luca Vitalini ho comunico ch'el voul banduner la vschinauncha da S-chanf our da motivs persunels a termin mezzaun. La piazza dal chanzlist vain publiched a tschertscho ün/a successur/a. Zieva chi s'ho chatto üna persuna adattada per quista piazza, dess la surdeda da la piazza esser bain organisada.

A las 22.20 vain la tschantada alveda.

In buna fè

Il president:

L'actuar:

G. Largiadèr

G.L. Vitalini